

**namjenska sredstva vodne
naknade 100.000 KM,
Razgraničenja 299.999 KM**

2. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-05-11771-43/16
14. aprila 2016. godine
Sarajevo

Premijer
Elmedin Konaković, s. r.

Ministarstvo finansija

Na osnovu člana 17. stav (1) Zakona o izvršavanju Budžeta Kantona Sarajevo za 2016. godinu ("Službene novine Kantona Sarajevo", broj 1/16), po zahtjevu Ministarstva komunalne privrede i infrastrukture, Ministar finansija donosi slijedeću

ODLUKU

**O PRERASPODJELI SREDSTAVA U BUDŽETU
KANTONA SARAJEVO ZA 2016. GODINU ZA
BUDŽETSKOG KORISNIKA MINISTARSTVO
KOMUNALNE PRIVREDE I INFRASTRUKTURE**

1. Odobrava se preraspodjela sredstava u Budžetu Kantona Sarajevo za 2016. godinu u iznosu 1.139.000,00 KM u razdjelu 34010001 Ministarstvo komunalne privrede i infrastrukture i to:

Red. Glava	Podr. Jzd.	Klas. Bud.	Sub-klasifika.	Projekcija	OPIS	IZNOS	
34	01	0001			MINISTARSTVO KOMUNALNE PRIVREDE I INFRASTRUKTURE		
					sa ekonomskih kodova (namjenska sredstva - iz razgraničenja)		
34	01	0001	615100	WA1009	052	Izgradnja i rekonstrukcija vodovodne i kanalizacione mreže (rekonstrukcija) - namjenska sredstva vodne naknade 250.000 KM, Razgraničenja 150.000 KM	50.000,00
34	01	0001	615100	WA1010	052	Izgradnja i rekonstrukcija vodovodne i kanalizacione mreže (rekonstrukcija) - namjenska sredstva vodne naknade 250.000 KM, Razgraničenja 150.000 KM	100.000,00
34	01	0001	615200	WAU003	052	Vlastito učestvo za prečišćenje otpadnih voda - Bunilite po kreditu Svjetske banke - W 1000 namjenski prihod - vodne naknade 100.000 KM	600.000,00
					na ekonomske kodove (namjenska sredstva)		
34	01	0001	615100	WA1015	052	Rekonstrukcija vodovodne i kanalizacione mreže putem KJKP "Vodovod i kanalizacija" - namjenska sredstva vodne naknade 100.000 KM, Razgraničenja 299.999 KM	150.000,00
34	01	0001	615100	WA1016	052	Rekonstrukcija vodovodne i kanalizacione mreže putem KJKP "Vodovod i kanalizacija" - namjenska sredstva vodne naknade 173.700 KM, Razgraničenja 139.915 KM	540.000,00
34	01	0001	615100	WA1017	052	Rekonstrukcija vodovodne i kanalizacione mreže putem KJKP "Vodovod i kanalizacija" - namjenska sredstva vodne naknade 250.000 KM, Razgraničenja 50.000 KM	150.000,00
					sa ekonomskog koda (budžetska sredstva)		
34	01	0001	614300	WAN006	056	Povraćanje osnovnog kapitala Vlade Kantona Sarajevo u produkciju BAOS ENERGETEHIK	299.000,00
					na ekonomski kod (budžetska sredstva)		
34	01	0001	614300	WAN005	056	Obezbjedjenje sredstava za nova postrojenja vodovod - PERAKO - voda-Vogotić putem KJKP Vodovod i kanalizacija	200.000,00

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-11933/16
14. aprila 2016. godine
Sarajevo

Ministar
Prof. dr. Jasmin Halebić, s. r.

**Ministarstvo za rad, socijalnu politiku,
raseljena lica i izbjeglice**

Na osnovu čl. 66. stav 1. i 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", br. 35/05), čl. 13. i 134. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst), čl. 59., 60., 61., 62., 65. i 86. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06 i 14/09), ministrica za rad, socijalnu politiku, raseljena lica i izbjeglice Kantona Sarajevo donosi

NAREDBU

**O IZNOSIMA PO ZAKONU O SOCIJALNOJ ZAŠTITI,
ZAŠTITI CIVILNIH ŽRTAVA RATA I ZAŠTITI
PORODICE SA DJECOM**

I - OSNOVNE ODREDBE

Član 1.

- Osnov za utvrđivanje novčanih i drugih materijalnih davanja vezano za socijalnu zaštitu i zaštitu porodice sa djecom po Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst) (u daljem tekstu: Zakon) je prosječna neto plaća ostvarena u Kantonu Sarajevo u prethodnoj (2015) godini pomnožena sa odgovarajućim koeficijentom, koja prema Uredbi o visini koeficijenta za obračun prosječne neto plaće ostvarene u Kantonu Sarajevo u 2015. godini donesenoj od strane Vlade Kantona Sarajevo, ("Službene novine Kantona Sarajevo", broj 13/16), iznosi 600,00 KM (u daljem tekstu: prosječna neto plaća).
- Osnov za utvrđivanje novčanih davanja i iznosa po osnovu zaštite civilnih žrtava rata: lična invalidnina, dodatak za njegu i pomoć od strane drugog lica, ortopedski dodatak i porodična invalidnina je Odluka o utvrđivanju visine osnovice za određivanje mjesečnih novčanih naknada korisnika boračko-invalidske zaštite u Federaciji Bosne i Hercegovine (invalidnine), za 2013. godinu ("Službene novine Federacije BiH", broj 56/13) i iznosi 867,50 KM.
 - Osnovica iz tačke a) mjesečno se uskladuje sa koeficijentom za usklađivanje visine mjesečnih novčanih primanja korisnika boračko-invalidske zaštite u Federaciji BiH, koji donosi Vlada Federacije BiH.
 - Osnovica za obračun novčanih davanja i iznosa po osnovu zaštite civilnih žrtava rata: lična invalidnina, dodatak za njegu i pomoć od strane drugog lica, ortopedski dodatak i porodična invalidnina obračunava se u visini od 70% mjesečnih novčanih primanja korisnika boračko-invalidske zaštite u Federaciji BiH i iznosi 586,15 KM, a utvrđuje se na slijedeći način:
 - Osnovica za korisnike boračko-invalidske zaštite = 867,50 KM,
 - Koeficijent za usklađivanje. = 0,965257,
 - Osnovica za isplatu mjesečnih novčanih primanja = 837,36 KM, korisnika boračko-invalidske zaštite (867,50 KM X 0,965257 = 837,36 KM)
 - Osnovica za korisnike civilnih žrtava rata. = 586,15 KM. (837,36 KM X 70% = 586,15 KM)
 - Sredstva za isplatu novčanih davanja i iznosa po osnovu zaštite civilnih žrtava rata obezbjeđuju se: za ličnu invalidninu u omjeru 70% iz Federalnog budžeta i 30% iz Budžeta Kantona po Zakonu o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", broj 14/09), a za dodatak za njegu i pomoć od strane drugog lica, ortopedski dodatak i porodičnu invalidninu iz Federalnog budžeta (50%) i Kantonalnog budžeta (20%) po Zakonu o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06 i 14/09), (u daljem tekstu: Federalni zakon).

II - SOCIJALNA ZAŠTITA

Član 2.

1. Stalna novčana pomoć

- Iznos najnižeg primanja domaćinstva koji se smatra dovoljnim za izdržavanje jednočlanog domaćinstva je 120,00 KM, a za svakog narednog člana domaćinstva ovaj iznos se uvećava za 12,00 KM.
- Za domaćinstva iz člana 18. stav 2. Zakona, iznos najnižeg primanja domaćinstva koji se smatra dovoljnim za izdržavanje jednočlanog domaćinstva se uvećava za svako lice iz člana 27. Zakona.
- Iznos stalne novčane pomoći za jednog člana domaćinstva iznosi 120,00 KM, a za svakog narednog člana domaćinstva ovaj iznos se uvećava za 12,00 KM.
- Iznos stalne novčane pomoći za lica iz člana 27. Zakona, uvećava se za 30% iznosa koji se smatra dovoljnim za izdržavanje jednočlanog domaćinstva i za jednog člana domaćinstva iznosi 156,00 KM.

2. Novčana naknada za pomoć i njegu od strane druge osobe

- Visina novčane naknade za pomoć i njegu od strane druge osobe u smislu člana 27. Zakona, pod uvjetom da prihodi po članu domaćinstva ne prelaze 40% prosječne neto plaće (240,00 KM) iznosi 90,00 KM

3. Druge materijalne pomoći

Jednokratna novčana pomoć dodjeljuje se korisniku u okviru jednog domaćinstva najviše tri puta u toku kalendarske godine, u ukupnom iznosu koji ne prelazi visinu izuzetne novčane pomoći iz člana 34. Zakona.

- Jednokratna novčana pomoć se dodjeljuje do visine 20% prosječne neto plaće 120,00 KM
- Izuzetna novčana pomoć se dodjeljuje do visine 40% prosječne neto plaće 240,00 KM

4. Osposobljavanje za život i rad

Novčana naknada za vrijeme čekanja na zaposlenje u smislu čl. 42. i 44. Zakona iznosi . . . 120,00 KM

5. Smještaj u drugu porodicu

Naknada za smještaj u drugu porodicu utvrđena je u visini 80% cijene smještaja u odgovarajuću ustanovu socijalne zaštite i to:

- smještaj djece u drugu porodicu 476,00 KM
- smještaj starih lica koja su pokretna u drugu porodicu 325,60 KM
- smještaj starih lica koja su nepokretna u drugu porodicu 501,60 KM
- smještaj lica sa invaliditetom koja su pokretna u drugu porodicu 376,00 KM
- smještaj lica sa invaliditetom koja su nepokretna u drugu porodicu 536,00 KM

6. Smještaj u ustanovu socijalne zaštite

Cijena usluga koje pruža socijalna ustanova utvrđena je Zaključkom Vlade Kantona Sarajevo posebno za svaku ustanovu.

7. Kućna njega i pomoć u kući

Kućna njega i pomoć u kući odobrava se u skladu sa članom 59. do zaključno sa članom 63. Zakona, a iznos je utvrđen Zaključkom Vlade Kantona Sarajevo.

8. Zdravstvena zaštita

Zdravstvena zaštita za korisnike stalne novčane pomoći i lica iz člana 146. Zakona, po prijavljenom licu iznosi 20,00 KM

III - ZAŠTITA CIVILNIH ŽRTAVA RATA

Član 3.

U skladu sa Instrukcijom Federalnog ministarstva rada i socijalne politike broj: 06-41/3-2214/13 od 06.08.2013. godine vršit će se isplata novčanih naknada kako slijedi:

1. Lična invalidnina

Lična invalidnina utvrđuje se u mjesečnom iznosu prema grupi oštećenja organizma u visini od 70% od mjesečnog iznosa lične invalidnine vojnog invalida odgovarajuće grupe po propisima o vojnim invalidima odgovarajuće grupe po propisima iz Zakona o pravima branilaca i članova njihovih porodica, izuzev za lica iz člana 54. stav 3. Federalnog zakona, kako slijedi:

I grupa CŽR sa 100% oštećenja organizma . . .	586,15 KM
II grupa CŽR sa 100% oštećenja organizma . . .	427,89 KM
III grupa CŽR sa 90% oštećenja organizma. . .	322,39 KM
IV grupa CZR sa 80% oštećenja organizma. . .	252,04 KM
V grupa CŽR sa 70% oštećenja organizma. . .	187,57 KM
VI grupa CŽR sa 60% oštećenja organizma. . .	105,50 KM

Mjesečno lično novčano primanje za lica iz člana 54. stav 3. Federalnog zakona, prema članu 59. stav 2. istog Zakona iznosi 70% od osnovice za isplatu mjesečnih novčanih primanja korisnika boračko - invalidske zaštite, i iznosi 586,15 KM

2. Dodatak za njegu i pomoć od strane drugog lica

Dodatak za njegu i pomoć od strane drugog lica za civilne žrtve rata od I do IV grupe invalidnosti koji su nesposobni za vršenje osnovnih životnih potreba bez pomoći drugog lica utvrđuje se u mjesečnom iznosu u visini od 70% od mjesečnog iznosa dodatka za njegu i pomoć od strane drugog lica za ratne vojne invalide odgovarajućeg stepena invalidnosti, kako slijedi:

Dodatak za njegu i pomoć I stepena 100%	586,15 KM
Dodatak za njegu i pomoć II stepena 70%	410,31 KM
Dodatak za njegu i pomoć III stepena 50%	293,08 KM

3. Ortopedski dodatak

Ortopedski dodatak utvrđuje se u mjesečnom iznosu u visini od 70% od mjesečnog iznosa ortopedskog dodatka za ratne vojne invalide odgovarajućeg stepena invalidnosti, kako slijedi:

Ortopedski dodatak I stepena 29%	169,98 KM
Ortopedski dodatak II stepena 22%	128,95 KM
Ortopedski dodatak III stepena 17%	99,65 KM

4. Porodična invalidnina

- Osnovica za određivanje porodične invalidnine iznosi 70% od osnovice za određivanje porodične invalidnine za porodice šehida, odnosno poginulog borca, kako slijedi:

Za jednog člana porodice 43% (član 65)	252,04 KM
Za dva člana porodice 55% (član 65)	322,39 KM
Za tri člana porodice 60% (član 65)	351,69 KM

Za četiri i više članova porodice 65% (član 65) 381,00 KM

- Porodična invalidnina za korisnike u 2016. godini čiji prihod prelazi iznos prosječne neto plaće ostvarene u Federaciji BiH u 2015. godini (830,00 KM) iznosi:

Za jednog člana porodice -50% (čl. 65a)	126,02 KM
Za jednog člana porodice +50% (čl. 67).	378,07 KM

Za jednog člana porodice -50% (čl. 66)-50% (čl. 65a). 63,02 KM

Za dva člana porodice 55% 161,19 KM

Za tri člana porodice 60% 175,86 KM

Za četiri člana porodice i više 65% 190,51 KM

Za dva člana porodice +50% (čl. 67. stav 2) 483,56 KM

Za dva člana porodice +50% (čl. 67.)-50% (čl. 65a). 241,78 KM

5. Zdravstvena zaštita po prijavljenom licu 20,00 KM

IV - ZAŠTITA PORODICE SA DJECOM

Član 4.

1. Dodatak na djecu

- a) Maksimalan prihod korisnika po članu domaćinstva kao uslov za ostvarivanje prava na dječiji dodatak (20% od prosječne neto plaće, član 133. stav 1. Zakona) 120,00 KM
- b) Iznos dječijeg dodatka (5,5% od prosječne neto plaće, član 133. stav 2. Zakona) 33,00 KM
- c) Iznos uvećanog dječijeg dodatka (član 136. Zakona) 49,50 KM

2. Naknada plaće ženi-majci u radnom odnosu

- a) Naknada plaće ženi-majci koja najmanje 12 mjeseci prije odlaska na porodiljsko odsustvo ima zaključen ugovor o radu ili rješenje o zasnivanju radnog odnosa i prijavu na obavezno osiguranje po osnovu radnog odnosa iznosi 60% od prosječne plaće 360,00 KM
- b) Naknada plaće ženi-majci ne može biti manja od najniže plaće u Federaciji Bosne i Hercegovine, koja se obračunava u skladu sa Odlukom Vlade Federacije Bosne i Hercegovine o najnižoj neto satnici pomnoženoj sa 176 sati na mjesečnom nivou (u daljem tekstu: najniža plaća).
- c) Naknada plaće ženi-majci koja manje od 12 mjeseci prije odlaska na porodiljsko odsustvo ima zaključen ugovor o radu ili rješenje o zasnivanju radnog odnosa i prijavu na obavezno osiguranje po osnovu radnog odnosa, utvrđuje se u iznosu 30% prosječne plaće 180,00 KM
- d) Visina naknade plaće ženi-majci po isteku ugovora o radu na određeno vrijeme (30% od prosječne plaće) 180,00 KM
- e) Visina naknade plaće ženi-majci koja rodi mrtvo dijete ili dijete umre prije isteka porodiljskog odsustva ostvaruje se u iznosu najniže plaće.

Na iznos naknade plaće ženi-majci uplaćuju se doprinosi PIO, zdravstvo i osiguranje od nezaposlenosti i izmiruju poreske obaveze u skladu sa zakonom.

3. Novčana pomoć ženi-majci koja nije u radnom odnosu

- a) Visina novčane pomoći ženi-majci koja nije u radnom odnosu ili se nalazi na redovnom školovanju (30% od prosječne plaće) 180,00 KM
- b) Visina novčane pomoći ženi-majci koja rodi mrtvo dijete ili dijete umre u toku korištenja prava - u trajanju od 45 dana nakon smrti djeteta (30% od prosječne plaće) 180,00 KM

4. Jednokratna pomoć za opremu novorođenog djeteta

(35% od prosječne plaće) 210,00 KM

5. Pomoć u prehrani djeteta do šest mjeseci ili dodatna ishrana za majke dojilje

(8% od prosječne plaće) ostvaruje se u vidu mjesečnog naturalnog davanja u prehrambenim proizvodima 48,00 KM

6. Smještaj djece u ustanovama predškolskog odgoja

Visina prihoda po članu domaćinstva vezano za ostvarivanje prava na subvencioniranje troškova boravka djeteta u predškolskoj ustanovi (35% od prosječne plaće) 210,00 KM

7. Zdravstvena zaštita korisnika dječijeg dodatka 20,00 KM

8. Zdravstvena zaštita po prijavljenom djetetu iz čl. 146. Zakona 20,00 KM

Član 5.

Ova naredba stupa na snagu narednog dana od objavljivanja u "Službenim novinama Kantona Sarajevo".

Broj 13-14-12357/16
15. aprila 2016. godine
Sarajevo

Ministrica
Amela Dautbegović, s. r.

OPĆINA HADŽIĆI

Općinsko vijeće

Na osnovu člana 36. Zakona o računovodstvu i reviziji u Federaciji Bosne i Hercegovine ("Službene novine Federacije BiH", broj 83/09), člana 23. Uredbe o računovodstvu budžeta proračuna u Federaciji BiH ("Službene novine Federacije BiH", broj 87/10) i člana 24. Statuta Općine Hadžići ("Službene novine Kantona Sarajevo", broj 15/09, 17/12, 10/13, 14/013 - Ispravka), Općinsko vijeće Hadžići, na 35. redovnoj sjednici održanoj 31.03.2016. godine, donosi

ODLUKU

O USVAJANJU FINANSIJSKIH IZVJEŠTAJA - ZAVRŠNOG RAČUNA BUDŽETA OPĆINE HADŽIĆI ZA 2015. GODINU

Član 1.

Ovom Odlukom usvajaju se finansijski izvještaji odnosno završni (godišnji) obračun budžeta Općine Hadžići za period 01.01.-31.12.2015. godine. Set finansijskih izvještaja čine

sljedeći izvještaji: bilans stanja, račun prihoda i rashoda, iskaz o kapitalnim izdacima i finansiranju, godišnji izvještaj o izvršenju budžeta, posebni podaci o plaćama i broju zaposlenih, izvještaj o novčanim tokovima.

Član 2.

Sastavni dio ove Odluke je set finansijskih izvještaja završnog - godišnjeg obračuna budžeta Općine Hadžići za period 01.01.-31.12.2015. godine.

Član 3.

Ova Odluka stupa na snagu danom donošenja a objavit će se u "Službenim novinama Kantona Sarajevo".

Broj 01-01-2-2793/16
31. marta 2016. godine
Hadžići

Predsjedavajući
Općinskog vijeća Hadžići
Adnan Proha, s. r.